

四庫全書

集部

欽定四庫全書

萬首唐人絕句卷十六

宋 洪邁 編

七言

裴令公席上贈別夢得

白居易

年老官高多別離
轉難相見轉難思
雪銷酒盡梁王起
便是鄒枚分散時

尋春題諸家園林

兒隨年老欲何如興遇春牽尚有餘遙見人家花便入
不論貴賤與親疎

笑春風兼贈李二十侍郎二絕

樹根雪盡催花發池岸冰銷放草生唯有鬢霜依舊白
春風於我獨無情

道場齋戒今初畢酒伴歡娛久不同不把一盃來勸我
無情亦得似春風

奉和令公綠野堂種花

綠野堂開占物華
路人指道令公家
令公桃李滿天下
何用堂前更種花

寄明州于駙馬使君三絕句

有花有酒有笙歌
其奈難逢親故何
近海饒風春雨足
白鬚太守悶時多

平陽音樂隨都尉
留滯三年在浙東
吳越聲邪無法用
莫教偷入管絃中

何郎小女歌喉好
嚴老呼為一串珠
海味腥鹹損聲氣

聽看猶得斷腸無

雨中聽琴者彈別鶴操

雙鶴分離一何苦連陰雨夜不堪聞
莫教遷客孀妻聽
嗟歎悲啼泥殺君

香山避暑二絕

六月灘聲如猛雨香山樓北暢師房
夜深起凭欄干立
滿耳潺湲滿面涼

紗巾草履竹疎衣晚下香山蹋翠薇
一路涼風十八里

卧乘籃輦睡中歸

贈談客

上客清談何疊疊幽人閒思自寥寥請君休說長安事
膝上風清琴正調

初入香山院對月

老住香山初到夜秋逢白月正圓時從今便是家山月
試問清光知不知

病中贈南鄰覓酒

頭痛牙疼三日卧妻看煎藥婢來扶今朝似校擡頭語
先問南鄰有酒無

曉眠後寄楊戶部

軟綾腰襖薄綿被涼冷秋天穩暖身一覺曉眠殊有味
無因寄與早朝人

酬令公雪中見贈訝不與夢得同相訪

雪似鵝毛飛散亂人披鶴氅立徘徊鄰生枚叟非無興
唯待梁王召即來

楊六尚書新授東川節度代妻戲賀兄嫂二絕
劉綱與婦共升仙
美玉隨夫亦上天
何似沙哥領崔嫂
碧油幢引向東川

金花銀枕饒君用
罽畫羅衣盡婢裁
覓得黔婁為妹壻
可能空寄蜀茶來

因夢得題公垂所寄蠟燭因寄公垂

照梁初日光相似
出水新蓮艷不如
却寄兩條君領取
明年雙引入中書

令公南莊花柳正盛欲偷一賞先寄二篇

最憶樓花千萬朵偏憐堤柳兩三株
擬提社酒携村妓擅入朱門莫怪無

可惜亭臺閒度日欲偷風景暫遊春
只愁花裏鴛鴦舌飛入宮城報主人

和裴令公南莊

陶廬僻陋那堪比謝墅幽閒不足攀
何似嵩峯三十六長隨申甫作家山

宅西流水墻下小樓五絕

伊水分來不自由
無人解愛為誰流
家家拋向墻根底
唯我栽蓮起小樓

水色波文何所似
麴塵羅帶一條斜
莫言羅帶春無主
自置樓來屬白家

日澹水光搖素壁
風飄樹影拂朱欄
皆言此處宜絃管
試奏霓裳一曲看

霓裳奏罷唱梁州
紅袖斜翻翠黛愁
應是遙聞勝近聽

行人欲過盡回頭

獨醉還須得歌舞自娛何必要親賓當時一部清商樂
亦不長將樂外人

送盧郎中赴河東裴令公幕

別時暮雨洛橋岸到日涼風汾水波荀令見君應問我
為言秋草閉門多

戲和夢得答李侍郎詩有文星之句

看題錦繡報瓊瓌俱是天人第一才好遣文星守躔次

亦須防有客星來

何時得見十三絃
待取無雲有月天
願得金波明似鏡
鏡中照出月中仙

酬裴令公贈馬相戲

安石風流無奈何
欲將赤驥換青娥
不辭便送東山去
臨老何人與唱歌

早春持齋

正月晴和風景新
紛紛已有醉遊人
帝城花笑長齋客

二十年來負早春

謝楊東川寄衣服

年年衰老交遊少處處蕭條書信稀
唯有巢兄不相忘春茶未斷寄秋衣

東城晚歸

一條筇杖懸龜榼雙角吳童控馬銜
晚入東城誰識我短靴低帽白蕉衫

蘇州故吏

江南故吏別多久今日池邊識我無不獨使君頭似雪
華亭鶴死白蓮枯

得楊湖州書

豈獨愛民兼愛客不唯能飲亦能文
白蘋洲上春傳語
柳使君輸楊使君

聽歌

管妙絃清歌入雲老人合眼醉醺醺
誠知不及當年聽
猶覺聞時勝不聞

西樓獨立

身著白衣頭似雪時時醉立小樓中
路人回頭應相怪
十一年來見此翁

早春獨登天宮闕

天宮日暖閣門開獨上迎春飲一盃
無限遊人遙怪我
緣何最老最先來

送蘇州李使君二絕

憶拋卽綬辭吳郡哀病當時已有餘
今日賀君兼自喜

入回看換舊銅魚

館娃宮聲春日長
烏鵲橋高秋夜涼
風月不知世人變
奉君直似奉吳王

長洲曲新詞

茂苑綺羅佳麗地
女湖桃李艷陽時
心奴已死胡容老
後輩風流是阿誰

春眠

枕低被暖身安穩
日照房中帳未開
還有少年春氣味

時時暫到睡中來

病中五絕

世間生老病相隨此事心中久自知
今日行年將七十猶須慙愧病來遲

方寸成灰髻作絲假如強健亦何為
家無憂累身無事正是安閒好病時

李君墓上松應拱元相池頭竹盡枯
多幸樂天今始病不知合要苦治無

目昏畏寢即安眠足軟方行使坐禪身作醫王心是藥
不勞和扁到門前

交親不要苦相憂亦擬時時強出遊但有心情何用脚
陸乘肩輿水乘舟

送嵩客

登天臨水分無期泉石烟霞今屬誰君到嵩陽吟此句
與教三十六峰知

賣駱馬

五年花下醉騎行
臨賣回頭嘶一聲
項籍顧騅猶解歎
樂天別駱豈無情

別柳枝

兩枝楊柳小樓中
婀娜多年伴醉翁
明白放歸歸去後
世間應不要春風

歲暮呈思黯

歲暮瞠然一老夫
十分流輩九分無
莫嫌身病人扶侍
猶勝無身可遣扶

感蘇州舊舫

畫梁朽折紅窻破獨立池邊盡日看守得蘇州船舫爛
此身爭合不哀殘

戲禮經老僧

香火一爐燈一盞白頭夜禮佛名經何年飲著聲聞酒
直到如今醉未醒

前有別柳枝絕句夢得繼和云春盡柳絮飛留
不得隨風好去落誰家又復戲答

柳老春深日又斜
任他吹香別人家
誰能更學孩童戲
尋逐春風捉柳花

五年秋病後獨宿香山寺三絕句

經年不到龍門寺
今夜何人知我情
還向暢師房裏宿
新秋月色舊灘聲

飲徒歌伴今何在
雨散雲飛盡不回
從此香山風月夜
祇應長是一身來

石盆泉畔石樓頭
十二年來盡夜遊
更過今年年七十

假如無病亦宜休

題香山新經堂招僧

烟滿秋堂月滿庭
香花漠漠磬泠泠
誰能來此尋真諦
白老新開一藏經

早入皇城贈王留守僕射

津橋殘月曉沉沉
風露淒淒禁署深
城柳宮槐漫搖落
悲愁不到貴人心

山下留別佛光和尚

勞師送我下山行此別何人識此情我已七旬師九十
當知後會在他生

山中五絕句

嶺上雲

嶺上白雲朝未散田中青麥旱將枯自生自滅成何事
能逐東風作雨無

石上苔

漠漠斑斑石上苔幽芳靜綠絕纖埃路傍凡草榮遭遇

曾得七香車輶來

林下樗

香檀文桂苦雕鐫生理何曾得自全
知有無材老樗否
一枝不損盡天年

澗中魚

海水桑田欲變時風濤翻覆沸天池
鯨吞蛟鬪波成血
深澗遊魚樂不知

洞中蝙蝠

千年鼠化白蝙蝠黑洞深藏避網羅
遼害全身誠得計
一生幽暗又何如

自戲三絕句

心問身

心問身云何泰然嚴冬煖被日高眠
放君快活知恩否
不早朝來十一年

身報心

心是身王身是宮君今居在我宮中
是君家舍君須愛

何事論恩自說功

心重答身

因我踈慵休罷早
遺君安樂歲時多
世間老苦人何限
不放君閒奈我何

病後喜過劉家

忽憶前年初病後
此生甘分不銜盃
誰能料得今春事
又向劉家飲酒來

贈舉之僕射

鷄黍錫粥屢開筵談笑謳吟間管絃一月三回寒食會
春光應不負今年

盧尹賀夢得會中作

病聞川守賀筵開起伴尚書飲一杯任意少年長笑我
老人自覓老人來

題朗之槐亭

春風可惜無多日家醞唯殘軟半瓶猶望君歸同一醉
籃舁早晚入槐亭

勸夢得酒

誰人功盡麒麟閣
何客新投魑魅鄉
兩處榮枯君莫問
殘春更醉兩三場

過裴令公宅二絕句

風吹楊柳出牆枝
憶得同歡共醉時
每到集賢坊北過
不曾一度不低眉

梁王舊館雪濛濛
愁殺鄒枚二老翁
假使明朝深一尺
亦無人到兔園中

新澗亭

烟蘿初合澗新開
閑上新亭日幾回
老病歸山應未得
且移泉石就身來

寄黔州馬常侍

閒看雙節信為貴
樂飲一杯誰與同
可惜風情與心力
五年拋擲在黔中

雪暮偶與夢得同致仕裴賓客王尚書飲

黃昏慘慘雪霏霏
白首相歡醉不歸
四箇老人三百歲

人間此會亦應稀

聽歌六絕句

都子歌

都子新歌有性靈
一聲格轉已堪聽
更聽唱到嫦娥字
猶有樊家舊典刑

樂世

管急絃聲拍漸稠
綠腰宛轉曲終頭
誠知樂世聲聲樂
老病人聽未免愁

水調

五言一遍最殷勤
調少情多似有因
不會當時翻曲意
此聲腸斷為何人

想夫憐

玉管朱絃莫急催
容聽歌送十分杯
長愛夫憐第二句

請君重唱夕陽開

王石丞詞云秦
川一半夕陽開

何滿子

世傳滿子是人名
臨就刑時曲始成
一曲四詞歌八疊

從頭便是斷腸聲

閒眠

暖牀斜卧日熏膏一覺閒眠百病銷
盡日一餐茶兩椀更無所要到明朝

南侍御以石相贈助成水聲因以絕句謝之

泉石磷磷聲似琴閒眠靜聽洗塵心
莫輕兩片青苔石一夜潺湲直萬金

寒亭留客

今朝閒坐石亭中
爐火銷殘樽又空
冷落若為留客住
永池霜竹雪髯翁

新小灘

石淺沙平流水寒
水邊斜插一漁竿
江南客見生鄉思
道似嚴陵七里灘

卯飲

短屏風掩卧牀頭
烏帽青氍毹白甌
裘卯飲一盃眠一覺
世間何事不悠悠

借楊六尚書太湖石

借君片石意何如
置向庭中慰索居
每就玉山傾一酌
興來如對醉尚書

永豐坊園中垂柳

一樹春風千萬枝
嫩如金色軟於絲
永豐西角荒園裏
盡日無人屬阿誰

詔取永豐柳植禁苑感賦

一樹衰殘委泥土
雙枝榮耀直天庭
定知玄象今春後

柳宿光中添雨星

出齋日喜皇甫十早訪

三旬齋滿欲銜盃
平旦敲門門未開
除却朝之携一榼
的應不是別人來

携酒往朗之莊居同飲

慵中又少經過處
別後都無勸酒人
不挈一壺相就醉
若為將老度殘春

客有說

近有人從海上回海山深處見樓臺中有仙龕虛一室
多傳此待樂天來

答客說

吾學空門非學仙恐君此說是虛傳海山不是吾歸處
歸即應歸堯率天

遊趙村杏花

趙村紅杏每年開十五年來看幾回七十三人難再到
今春來是別花來

戲問牛司徒

抖擻塵纓捋白鬚
半酣扶起問司徒
不知詔下懸車後
醉舞狂歌有例無

喜裴濤尚書携詩見訪

忽聞扣戶醉吟聲
不覺停杯倒屣迎
共放詩狂同酒癖
與君別是一親情

宿府西亭

池上平橋橋下亭
夜深睡覺上橋行
白頭老尹重來宿

十五年前舊月明

萬首唐人絕句卷十六

欽定四庫全書

萬首唐人絕句卷十七

宋 洪邁 編

七言

怨詩

張 洎

去年離別雁初歸
今歲裁縫螢已飛
狂客未來音信斷
不知何處寄寒衣

李倉曹宅夜飲

王昌齡

霜天留飲故情歡
銀燭金爐夜不寒
欲問吳江別來意
青山明月夢中看

閨怨

閨中少婦不知愁
春日凝粧上翠樓
忽見陌頭楊柳色
悔教夫壻覓封侯

浣紗女

錢塘江畔是誰家
江上女兒金勝花
吳王在時不得出
今日公然來浣紗

題朱鍊師山房

叩齒焚香出世塵
齋壇鳴磬步虛人
百花仙醞能留客
一飯胡麻度幾春

聽流人水調子

孤舟微月對風林
分付鳴箏與客心
嶺色千重萬重雨
斷絃收與淚痕深

宴春源

源向春城花幾重
江明深翠引諸峯
與君醉失松溪路

山館寥寥傳暝鐘

龍標野宴

沅溪夏晚足涼風
春酒相携就竹叢
莫道絃歌愁遠謫
青山明月不曾空

觀獵

角鷹初下秋草稀
鐵驄拋鞚去如飛
少年獵得平原兔
馬後橫梢意氣歸

梁苑

梁園秋竹古時烟城外風悲欲暮天萬乘旌旗何處在
平臺賓客有誰憐

送薛大赴安陸

津頭雲雨暗湘山遷客離愁楚地顏遙送扁舟安陸郡
天邊何處穆陵關

別李浦之京

故園今在霸陵西江畔逢君醉不迷小弟鄰莊尚漁獵
一封書寄數行啼

蕭駙馬花燭

青鸞飛入合歡宮
紫鳳銜花出禁中
可憐今夜千門裏
銀漢星回一道通

甘泉歌

乘輿執玉已登壇
細草霑衣春殿寒
昨夜雲生拜初月
萬年甘露水晶盤

旅望

白花原頭望京師
黃河水流無盡時
秋天曠野行人絕

馬首東來知是誰

芙蓉樓送辛漸二首

寒雨連江夜入吳
平明送客楚山孤
洛陽親友如相問
一片冰心在玉壺

丹陽城南秋海陰
丹陽城北楚雲深
高樓送客不能醉
寂寂寒江明月心

重別李評事

莫道秋江離別難
舟船明日是長安
吳姬緩舞留君醉

隨意青楓白露寒

別陶副使歸南海

南越歸人夢海樓
廣陵新月海亭秋
寶刀留贈長相憶
當取戈船萬戶侯

送狄宗亨

秋在水清山暮蟬
洛陽樹色明皋烟
送君歸去愁不盡
又惜空度涼風天

送人歸江夏

寒天綠水楚雲深
莫道離憂還遠
心曉夕雙帆歸鄂渚
愁將孤月夢中尋

送李五

玉盃金壘傾送君
江西日入起黃雲
扁舟乘月暫來去
誰道滄浪吳楚分

送十五舅

深林秋水近日空
歸棹演漾清陰中
夕浦離觴意何已
草根寒露悲鳴蟲

留別郭八

長亭竚馬未能前
井邑蒼茫含暮烟
醉別何須更惆悵
回頭不語但垂鞭

送竇七

秋江月色傍林湫
波上熒熒望一舟
鄂渚輕帆須早發
江邊明月為君留

巴陵送李十二

搖拽巴陵洲渚分
清江傳語便風聞
山長不見秋城色

日暮蒹葭空水雲

送別魏二

醉別江樓橘柚香
江風引雨入船涼
憶君遙在湘山月
愁聽清猿夢裏長

送裴圖南

黃河渡頭歸問津
離家幾日茱萸新
漫道閨中飛破鏡
猶看陌上別行人

留別司馬太守

辰陽太守念王孫遠謫沅溪何可論黃鶴青雲當一舉
明珠吐著報君恩

盧溪別人

武陵溪口駐扁舟溪水隨君向北流行到荆門上三峽
莫將孤月對猿愁

送程六

冬夜觴離在五溪青雲雪落鱸橙蘼武岡前路看斜月
片片舟中雲向西

送朱越

遠別舟中蔣山暮
君行舉首燕城路
薊門秋月隱黃雲
期向金陵醉江樹

別辛漸

別館蕭條風雨寒
扁舟月色渡江看
酒酣不識關西道
却望春江雲尚殘

采蓮曲二首

荷葉羅裙一色裁
芙蓉向臉兩邊開
亂入池中看不見

聞歌始覺有人來

吳姬越艷楚王妃
爭弄蓮花水濕衣
來時浦口花迎入
采罷江頭月送歸

送柴侍御

沅水通流接武岡
送君不覺有離傷
青山一道同雲雨
明月何曾是兩鄉

寄穆侍御出幽州

一從恩譴渡瀟湘
塞北江南萬里長
莫道薊門書信少

雁飛猶得到衡陽

西江寄越弟

南浦逢君嶺外還，沅溪更遠洞庭山。
堯時恩澤如春雨，夢裏相逢共入關。

長信秋詞五首

金井梧桐秋葉黃，珠簾不卷夜來霜。
熏籠玉枕無顏色，卧聽南宮清漏長。

高殿秋砧響夜闌，霜深猶憶御衣寒。
銀燈青瑣裁縫歇，

還向金城明主看

奉帚平明秋殿開
且將團扇共徘徊
玉顏不及寒鴉色
猶帶昭陽日影來

真成薄命久尋思
夢見君王覺後疑
火照西宮知夜飲
分明複道奉恩時

長信宮中秋月明
昭陽殿下擣衣聲
白露堂中細草迹
紅羅帳裏不勝情

西宮春怨

西宮夜靜百花香
欲卷珠簾春恨長
斜抱雲和深見月
朦朧樹色隱昭陽

西宮秋怨

芙蓉不及美人粧
水殿風來珠翠香
却恨含情掩秋扇
空懸明月待君王

從軍行五首

烽火城西百尺樓
黃昏獨坐海風秋
更吹羌笛關山月
無那金閨萬里愁

琵琶起舞換新聲總是關山離別情
掠亂邊愁聽不盡
高高秋月照長城

青海長雲暗雪山孤城遙望玉門關
黃沙百戰穿金甲不
破樓蘭終不還

秦時明月漢時關萬里長征人未還
但使龍城飛將在
不教邊馬度陰山

大漠風塵日色昏紅旗半卷出轅門
前軍夜戰洮河北
已報生禽吐谷渾

殿前曲三首

昨夜風開露井桃未央前殿月輪高
平陽歌舞新承寵
簾外春寒賜錦袍

貴人粧梳殿前催香風吹入殿後來
仗引笙歌大宛馬
白蓮花發照池臺

玉殿笙歌西殿頭梨園弟子和涼州
新聲一段高樓月
聖主千秋樂未休

青樓怨

香幃風動花入樓高調鳴箏緩衣愁腸斷闕山不解說
依依殘月下簾鉤

青樓曲二首

白馬金鞍從武皇旌旗十萬宿長楊樓頭小婦鳴箏坐
遙見飛塵入建章

馳道楊花滿御溝紅粧謾綰上青樓金章紫綬千餘騎
夫婿朝回初拜侯

山中

盧綸

饑拾松花渴飲泉偶從山後到山前
陽陂軟草厚如織因與麕麕相伴眠

與從弟同下第出關言別三首

同作金門獻賦人二年悲見故園春
到關不沾新雨露還家空帶舊風塵

雜花飛盡柳陰陰官路逶迤綠草深
對酒已成千里客望山空寄兩鄉心

出關愁暮一沾裳滿野蓬生古戰場
孤村樹色昏殘雨

遠寺鐘聲帶夕陽

逢病軍人

行多有病住無糧
萬里還鄉未到鄉
蓬鬢哀吟古城下
不堪秋氣入金瘡

村雨逢病叟

雙膝過頤項在肩
四鄰知姓不知年
卧驅烏雀惜禾黍
猶恐諸孫無社錢

崇福看花

聞道山花如火紅平生登寺已經風老僧無見亦無說
應與看人心不同

渾贊善東齋戲贈陳歸

長裾珠履颯輕塵間以琴書列上賓公子無讎可邀請
侯嬴此生是何人

春日登樓有懷

花正濃時人正愁逢花却欲替花羞年來笑伴皆歸去
今日晴明獨上樓

題玉真公主影堂

夕照閒窻起暗塵
青松鎖殿不知春
君看白髮誦經者
盡是宮中歌舞人

西江看花

紅枝欲折紫枝殷
隔水連宮不用攀
會待長風吹落盡
始能開眼向青山

贈別李紛

頭白垂驢縣市農
一回言別淚千行
兒孫滿眼無歸處

唯到尊前是故鄉

古絕詞二首

殘粧色淺髻鬟開
笑映珠簾覩客來
推醉唯知弄花鈿
潘郎不敢使人催

自拈裙帶結同心
暖處偏知香氣深
愛捉狂夫問閒事
不知歌舞用黃金

宮中樂二首

臺殿雲涼秋色微
君王初賜六宮衣
樓船泛罷歸猶早

行遣才人鬪射飛

雲日呈祥禮物殊彤庭生獻五單于塞垣萬里無飛鳥
可在邊城用郅都

春日有懷

桃李風多日欲陰伯勞飛處落花深貧居靜久難逢信
知隔春山不可尋

駙馬花燭

萬條銀燭引天人十月長安半夜春步障三千無間斷

幾多珠翠落香塵

曲江春望三首

菖蒲翻葉柳交枝
暗上蓮舟鳥不知
更到無花最深處
玉樓金殿影參差

翠黛紅粧盡
鷁中共驚雲色帶
微風簫管曲長吹
未盡
花南水北雨濛濛

泉聲遍夜入芳洲
擁沫吹花上碧流
二月行人漸無路
巢蜂乳燕滿高樓

早梅

一樹寒梅白玉條，迥臨村路傍溪橋。
應緣近水花先發，疑是經春雪未消。

采蓮曲

潯陽女兒花滿頭，髣髴同泛木兰舟。
秋風日暮南湖裏，爭唱菱歌不肯休。

塞上曲

朔風略地燒連山，碎葉孤城未下關。
山頭烽火聲聲叫。

知是將軍夜獵還

征人歸鄉

三月江城柳絮飛
五年遊客送人歸
故將別淚和鄉淚
今日闌干濕汝衣

宿湘江

九月湘江水漫流
沙邊惟覽月華秋
金風浦上吹黃葉
一夜紛紛滿客舟

戲贈張使君

數載蹉跎罷縉紳五湖乘興轉迷津如今野客無家第
醉處尋常是主人

題宋玉亭

宋玉亭前悲暮秋陽臺路上雨痕收應緣此處人多別
松竹蕭蕭也帶愁

公安賈明府

葉縣門前江水深淺於羈客報恩把君詩卷西歸去一
度相思一度吟

過商山

雨暗商山過客稀
路傍孤店閉柴扉
卸鞍良久茅簷下
待得巴人樵采歸

早春雪中

陰雲萬里畫漫漫
愁坐關心事幾般
為報春風休下雪
柳條初放不禁寒

秋月二首

江干入夜杵聲秋
百尺疎桐挂斗牛
思苦自緣明月苦

人愁不似月華愁

秋宵月色勝春宵萬里天涯靜寂寥
近來數夜飛霜重
只畏婆娑樹葉凋

雲安阻雨

日長巴峽雨濛濛又說歸州路未通
遊人不及西江水
先得東流到渚宮

霽雪

風卷長空暮雪晴江烟洗盡柳條輕
簷前數片無人掃

又得書窻一夜明

槿花

自用金錢買槿栽二年方始得花開
鮮紅未許佳人見蝴蝶爭知早到來

湖南春日二首

自憐春日客長沙江上無人轉憶家
光景却添鄉思苦簷前數片落梅花

三湘漂寓若流萍萬里江鄉隔洞庭
羈客春來心欲碎

東風莫遣柳條青

移家別湖上亭

好是春風湖上亭
柳條籐蔓繫離情
黃鶯久住渾相識
欲別頻啼四五聲

送零陵妓

寶鈿香蛾翡翠裙
裝成掩泣欲行雲
殷勤好取襄王意
莫向陽臺夢使君

過東平軍

畫角初鳴殘照微
營營鞍馬往來稀
相逢士卒皆垂淚
八座朝天何日歸

塞下曲

漢將歸來邊塞空
旌旗初下玉關東
高蹄戰馬三千匹
落日平原秋草中

湘南曲

虞帝南遊不復還
翠娥幽怨水雲間
昨夜月明湘浦宿
閨中珂珮度空山

旅次寄湖南張郎中

寒江近戶慢流聲
竹影臨窻亂月明
歸夢不知湖水濶
夜來還到洛陽城

萬首唐人絕句卷十七

欽定四庫全書

萬首唐人絕句卷十八

宋 洪邁 編

七言 原缺

萬首唐人絕句卷十八

欽定四庫全書

萬首唐人絕句卷十九

宋洪邁編

七言
原缺

欽定四庫全書

卷十九

[illegible]

欽定四庫全書

詩
卷十九

萬首唐人絕句卷十九

欽定四庫全書

萬首唐人絕句卷二十

宋洪邁編

七言 原缺

萬首唐人絕句卷二十

欽定四庫全書

萬首唐人絕句卷二十一

宋洪邁編

七言
原缺

[illegible]


萬首唐人絕句卷二十一

欽定四庫全書

萬首唐人絕句卷二十二

宋洪邁編

七言
原缺



萬首唐人絕句卷二十二

欽定四庫全書

集部

萬首唐人絕句卷二十三至

五

詳校官庶吉士臣柳邁祖

助教臣常循覆勘

總校官編修臣王燕緒

校對官編修臣勵守謙

謄錄監生臣何大士

欽定四庫全書

萬首唐人絕句卷二十三

宋 洪邁 編

七言

送蜀客

張籍

蜀客南行祭碧雞
木綿花發錦江西
山橋日晚行人少
時見猩猩樹上啼

蠻中

銅柱南邊毒草春
行人幾日到金麟
玉鐙穿耳誰家女
自抱琵琶迎海神

贈道士

茆山近別剡溪逢
玉節青毛十二重
自說年年上天去
羅浮最近海邊峯

望平驛

茫茫菰草平如地
渺渺長堤曲似城
日暮未知投宿處
逢人更問向前程

宿天竺寺寄靈隱僧

夜向靈溪息此身
風泉竹露淨衣塵
月明石上堪同宿
那作山南山北人

送元紹

春日同遊漳水邊
如今重說恨綿綿
天涯相見還離別
客路秋風又幾年

美人宮碁

紅燭臺前出翠娥
海沙鋪局巧相和
趁行移手巡收盡

數數看誰得最多

蠻州

瘴水蠻中入洞流人家多住竹棚頭
青山海上無城郭
唯見松牌出象州

送元宗簡

貂帽垂肩窄皂裘雪深騎馬向西州
暫時相見還相送
却閉閒門依舊愁

寄徐晦

鄴陂魚美酒偏濃
不出琴齋見雪峰
應勝昨來趨府日
薄書牀上亂重重

寄白學士

自掌天書見客稀
縱因休沐鎖雙扉
幾回扶病欲相訪
知向禁中歸未歸

喜王六同宿

十八年來恨別離
唯同一宿詠新詩
更相借問詩中語
共說如今勝舊時

題玉像堂

玉毫著世間塵輝相分明十八身入夜無烟燈更好
堂中唯有轉經人

與賈島閒遊

水北原南草色新雪消風暖不生塵城中車馬應無數
能解閒行有幾人

哭丘長史

丘公已沒故人稀欲過街西更訪誰每到子城東路上

憶君相逐入朝時

哭孟寂

曲江院裏題名處十九人中最少年
今日春光君不見
杏花零落寺門前

患眼

三年患眼今年校免與風光便隔生
昨日韓家後園裏
看花猶似未分明

答劉兢

劉君久被時拋擲老向城中作選人昨日街西相近住
每來存問老夫身

贈華嚴寺僧

一身依止荒閒院燭耀窻中有宿煙徧禮華嚴經裏字
不曾行到寺門前

逢故人

山東二十餘年別今日相逢在上都說盡向來無限事
相看摩挲白髭鬚

送蕭遠弟

街裏槐花傍馬垂
病身相送出門遲
與君別後秋風夜
作得新詩說向誰

送辛少府

才多不肯限容身
老大詩章轉更新
選得天台山下住
一家全作學仙人

贈任道士

長安多病無生計
藥鋪醫人亂索錢
欲得定知身上事

欽定四庫全書

萬首唐人絕句
卷二十三

五

憑君為筭小行年

招周居士

閉門秋雨濕牆莎
俗客來稀野思多
已掃書堂安藥竈
山人作意早經過

送許處士

高情自與俗人疎
獨向藍溪選僻居
會到白雲長取醉
不能窻下讀閒書

題楊秘書新居

愛閒不向爭名地宅在街西最靜坊
卷裏詩過一千首
白頭新受祕書郎

送晦師

九星壇下煎茶別五老峯頭覓寺居
作得新詩旋相寄
人來請莫達空書

送僧往金山

聞道溪陰山水好師行一一徧經過
事須覓取堪居處
若箇溪頭藥最多

尋徐道士

尋師遠到暉天觀
竹院森森閉藥房
聞人靜來經七日
仙童簷下獨焚香

荅韋開州寄車前子

開州午日車前子
作藥人皆道有神
慚愧使君憐病眼
三千餘里寄閒人

憶故州

累石為山作野夫
自收雲藥讀仙書
如今身是他州客

每見青山憶舊居

送客游蜀

行盡青山到益州
錦城樓下二江流
杜家曾向此中住
為到浣花溪水頭

送陸暢

共踏長安街裏塵
吳州獨作未歸身
貴門舊宅今誰住
君過西塘與問人

感春

欽定四庫全書

卷二十三

遠客悠悠任病身誰家池上又逢春
明年各自東西去此地看花是別人

贈李司議

漢庭誰問投荒客十歲天南著白衣
秋草茫茫惡溪路嶺頭遙送北人歸

別客

青山歷歷水悠悠今日相逢明月秋
繫馬城邊楊柳樹為君沽酒暫淹留

登樓寄胡家兄弟

獨上西樓盡日閒
林煙演漾鳥蠻蠻
謝家兄弟重城裏
不得同看雨後山

荅劉明府

身病多時又客居
滿城親舊盡相疎
可憐絳縣劉明府
猶解頻頻寄遠書

酬藤杖

病裏出門行步遲
喜君相贈古藤枝
倚來自覺身生力

每向傍人說得時

法雄寺東樓

汾河舊宅今為寺猶有當時歌舞樓
四十年來車馬客
古槐深巷暮蟬愁

寄故人

靜曲閒房病客居蟬聲滿樹槿花疎
故人祇在藍田縣
強半年來不得書

鄰婦哭征夫

雙鬟初合便分離
萬里征夫不得隨
今日軍回身獨沒
去時鞍馬別人騎

和崔駙馬聞蟬

鳳凰樓下多歡樂
不覺秋風暮雨天
應為昨來身暫病
蟬聲得到耳傍邊

看櫻桃花

昨日南園新雨後
櫻桃花發舊枝柯
天明不待人同看
遶樹重重履跡多

和郭明府縣中會飲

一樽清酒兩人同好在街西水縣中
自恨病身相去遠此時閒坐對秋風

唐興觀看花

新紅舊紫不相宜看覺從前兩月遲
更向同來詩客道明年到此莫過時

九華觀看花

街西無數閒遊處不似九華仙觀中
花裏可憐池上景

幾回牆壁貯春風

贈姚合

丹鳳門前向曉開
千官相次入朝來
唯君獨走銜塵土
下馬橋邊報直回

尋時道士

觀裏初晴竹樹涼
閒行共到最高房
昨來官罷無生計
欲就師求斷穀方

同韓侍郎南溪夜賞

欽定四庫全書

萬首唐人絕句
卷二十三

十

喜作閒人得出城南溪兩月逐君行忽聞新命須歸去
一夜船中語到明

使行望悟真

採玉峯連佛寺幽高高斜對驛門樓無端來去騎官馬
寸步教身不得遊

重陽日至峽道

無限青山行已盡回看忽覺遠離家逢高欲飲重陽酒
山菊今朝未見花

贈座客劉郎中

憶昔君登南省日老夫猶是褐衣身誰知二十餘年後
來作學曹相替人

唐興觀玉藥仙二首

千枝花裏玉塵飛阿母宮中見亦稀應共諸仙鬪百草
獨來偷折一枝歸

九色雲中紫鳳車尋仙來到洞仙家飛輪回處無蹤跡
唯有班班滿地花

秋思

洛陽城裏見秋風
欲作歸書意萬重
復恐忽忽說不盡
行人臨發又開封

憶遠

行人猶未有歸期
萬里初程日暮時
唯愛門前雙柳樹
枝枝葉葉不相離

玉山館

長溪新雨色如泥
野水陰雲盡向西
楚客天南行漸遠

山山樹裏鷓鴣啼

寄府吏

野水尋花共作期
今朝出郭不相隨
待君公事有閒日
此地春風應過時

涼州詞三首

邊城暮雨雁飛低
蘆笋初生漸欲齊
無數鈴聲遙過磧
應馱白練到安西

古鎮城門白磧開
蕃兵往往傍沙堆
巡邊使客行應早

每待平安火到來

鳳林關裏水東流
白草黃榆六十秋
邊將皆承主恩澤
無人解道取涼州

宮詞二首

新鷹初放兔猶肥
白日君王在內稀
薄暮千門臨欲鎖
紅粧飛騎向前歸

黃金捍撥紫檀槽
絃索初張調更高
盡理昨來新上曲
內官簾外送櫻桃

華清宮

溫泉流入漢離宮
宮樹行行浴殿空
武帝時人今欲盡
青山空閉御牆中

崔駙馬養鶴

身閒無事稱高情
已有人間章句名
求得鶴來教翦翅
望仙臺下亦將行

閒遊二首

老身不計人間事
野寺秋晴每獨過
病眼校來猶斷酒

却嫌行處菊花多

終日不離塵土間
若為能見此身閒
今朝暫共遊僧語
更恨趨時別舊山

劉兵曹贈酒

一瓶顏色似甘泉
開向新栽小竹前
欲罷身中更無事
移床獨就夕陽眠

送王梧州

楚江亭上秋風起
看發蒼梧太守船
千里同行從此別

相逢又隔幾多年

春日早朝

曉陌春寒朝騎來
瑞雲深處見樓臺
夜來新雨沙墀濕
東上閤門應未開

寄二山人

為箇朝章束此身
眼看東洛去無因
歷陽舊客今應少
轉憶鄰家二老人

寄李渤

五度溪頭躑躅紅
嵩陽寺裏講時鐘
春山處處行應好
一月看花到幾峰

尋仙

溪頭一徑入青崖
處處仙居隔杏花
更見峯西幽客說
雲中猶有兩三家

寄王奉卿

愛君紫閣峯前好
新作書堂藥竈成
見欲移居相近住
有田多與種黃精

題渭北寺上方

昔祭郊壇今謁陵寺中高處最來登十餘年後人多別
喜見當時轉讀僧

杏園贈劉郎中

一去瀟湘頭欲白今朝始見杏花春從來遷客應無數
重到花前有幾人

荅鄱陽客藥名詩

江臯歲暮相逢地黃葉霜前半夏枝子夜吟詩向松桂

心中萬事喜君知

寄宋景

詔發官兵取亂臣將軍弓箭不離身
君今獨在征東府
莫遣功名屬別人

倡女詞

輕鬢叢梳闊掃眉為嫌風日下樓稀
畫羅金縷難相稱
故著尋常淡薄衣

荅元八遺紗帽

黑紗方帽君邊得稱到山前坐竹床唯恐被人偷樣翦
不曾閒戴出書堂

題僧院

聞師行講青龍疏本寺往來多少年靜掃空房唯獨坐
千莖秋竹在簷前

送元八

百神齋祭相隨徧尋竹看山亦共行明日城西送君去
舊遊重到獨題名

吳楚歌詞

庭前春鳥啄林聲
紅夾羅襦縫未成
今朝社日停針線
起向朱櫻樹下行

月臺觀

一身清淨無童子
獨坐空堂得幾年
每夜焚香通月觀
可憐光得最團圓

華山廟

金天廟下西京道
巫女紛紛走似煙
手把紙錢迎過客

遣求恩福到神前

病中

東風漸暖滿城春
獨自幽居養病身
莫說櫻桃花已發
今年不作看花人

寺宿齋

晚到今光門外寺
寺中新竹隔簾多
齋官禁與僧相見
院院開門不得過

贈施肩吾

世間漸覺無多事，雖得空名未著身。
合取藥成相待喫，不須先作上天人。

贈王建

于君去後交游少，東野無來篋笥貧。
賴有白頭王建在，眼前猶見詠詩人。

逢賈島

僧房逢著款冬花，出寺吟行日已斜。
十二街中春雪滿，馬蹄今去入誰家。

離宮怨

高堂別館連湘渚
長向春江開萬戶
荆王去去不復來
宮中美人自歌舞

春別曲

長江春水綠堪染
蓮葉出水大如錢
江頭橘樹君自種
那不長繫木蘭船

成都曲

錦江近西煙水綠
新雨山頭荔枝熟
萬里橋邊多酒家

遊人愛向誰家宿

烏栖曲

西山作宮潮滿池
宮鳥曉鳴茱萸枝
吳姬採蓮自唱曲
君王昨夜舟中宿

楚妃怨

梧桐葉下黃金井
橫架轆轤牽素綆
美人初起天未明
手拂銀瓶秋水冷

寒塘曲

寒塘沈沈柳葉疎水暗人語驚栖鳬舟中少年醉不起
持燭照水射游魚

春堤曲

野塘鷓鴣飛樹頭綠蒲紫菱蓋碧流狂客誰家愛雲水
日日獨來城下遊

山禽

山禽毛如白練帶栖我庭前栗樹枝獼猴半夜來取栗
一雙中林向月飛

秋山

秋山無雲復可風
溪頭看月出深松
草堂不閉石床靜
葉間墜露聲重重

萬首唐人絕句卷二十三